

Leeto la rona la phetoho

Leeto la phetoho la NWU le ntse le tswela pele ho ba mosebetsi o boima empa o le monate ebile o phethahatsa, o fella ka diphetoho tse mmalwa tse amanang le maano, palo ya batho, ditsamaiso le meaho.

Diphetoho tsena di ile tsa kgaola tse ngata ho phatlalla ho tse 10 tsa ditshiya tsa mantlha tsa phetoho tseo re di hlwaleng jwalo ka tse bohlokwa kahare ho katleho ya dipheo tsa rona. Ditshiya tsa phetoho ke Mefutafuta ya dihlahiswa, Phihlelo, Kgokahanyo, Tokiso, Tekano, Karolelano ya Disebediswa, Keketseho ya Bonngwe, Boiphihlelo ba Baithuti, Katleho le Boleng.

Leeto le Covid-19, barupelli le baithuti

Ditaba tse mabapi le phihlelo, tokiso le tekano di hlahile pele nakong ya sewa sa Covid-19, se pepesitseng ho se lekane ka hare ho phihlelo ya baithuti le boiphihlelo ho theknoloji le mesebetsi ya yona.

Karabelong, re fetotse le ho tswela pele ho ntlafatsa dipolatelyo tsa rona tsa kahare bakeng sa ho ruta, ho ithuta le ho etsa dipatlisiso ho etsa hore tikoloho ya inthaneteng e fumanehe haholwanyane ho baithuti ba rona.

Dipolatelyo tsena tsa inthanete di ne di lekantswe mme disebediswa le data di fanwe ho baithuti ba di hlohang, ho netefatsa hore baithuti ba rona ba na le monyetla wa ho phethela lenaneo la thuto inthaneteng ba le hole, le ho nka karolo bophelong ba yunivesithi ka mokgwa o lekanang.

Tekolo ya phetoho

Bokgoni ba rona ba ho lekola tswelopele ya phetoho ho phatlalla le NWU bo se bo tswetse pele haholo, ka lebaka la mekgwa e kang deseke ya rona ya phetoho, eo re neng re dula re e ntjafatsa kamehla.

Ho reka thepa e ne e le ho neng re shebane le hona haholo ka 2021 mme ho hlalositse katleho e kang ntshetsopele ya leano la theko e kenyeletsang di SMME.

Ka hara boetapele ba baithuti le tikoloho ya puso, karolo ya bohlokwa ya baetapele ba baithuti ho tsamaiseng phetoho e tsitsitseng maemong a tlase e matlafaditswe ka 2021. Ho ile ha theoha dipotefolio tse kgethehileng tsa boetapele ba baithuti, tse filweng mosebetsi wa ntshetsopele ya phetoho le mefutafuta ka hara sebaka sa baithuti.

Re ka bolela re sa tsilatsile hore ho NWU, ho tlaleha ka phetoho e se e le ntho e pharaletseng le e momahaneng, ho ipapisitse le dipheo le merero e batsi ya setheo.

Ho okamela phetoho

Mekgatlo e mengata e tlalehelang Lekgotla e bapala karolo ya bodisa ho netefatsa hore yunivesithi e dula e le tseleng le maikemisetso a yona a phetoho. Dikomitjana tsa Lekgotla tse amehang ke Komiti ya Tlhokomelo ya Phetoho, Komiti ya Batho le Setso le Tekatekano Khirong le Komiti ya Tlhokomelo ya Bophelo ba Baithuti.

Foramo ya Setheo (IF) e phethahatsa karolo e bohlokwa ya boeletsi ditabeng tsa phetoho. Ka 2021, IF e ile ya kgethwa ke motsamaisi ya ka sehloohong bakeng sa bophelo ba baithuti, Ngk Sibusiso Chalofu, eo mosebetsi wa hae o abetsweng ho ba wa phetoho NWU.

Tlatsetso ya mekgatlo ena ya puso e hlophisitsweng, phetoho e nkuwa e le sebopeho sa mantlha bakeng sa basebetsi le baithuti ba kgothalletswang ho batla mekgwa e metle le e sebetsang ya ho theha palo e fapaneng ya baithuti le sehlopha sa boetapele ba baithuti.

Ho kenya boleng

Re ile ra eketsa boiteko ba ho tlosa ditshitiso bakeng sa baithuti ba nang le bokowa. Thuso e lekantsweng le menyetla bakeng sa baithuti bana di ile tsa boela tsa thuswa ke tlhahlobo le tumello ya ditokomane tsa maano a tataisang ka 2021.

Lekgotla le amohetse Leano la Baithuti ba Phelang ka Bokowa, Leano la Tlhekafetso ya Bong le Tekano ya Phetoho. Re boetse re ntlafaditse ditokomane le ditshebetso tse mmalwa tse tataisang tse thusang phetoho ya tikoloho ya baithuti.

Bophelo ba Baithuti le Batho le Setso ba sebedisane mmoho tlhahlobisong e atlehileng ya ditekanyetso tse tataisang tsa yunivesithi mme ba kenya letsoho haholwanyane kutlwisisong ya basebetsi le baithuti ka boleng ba bona le ditekanyetso tse amanang le e tsamaisitsweng ke boleng ba boitshwaro.

Ka 2021, basebetsi ba rona ba ile ba nka karolo mererong e fapaneng ya phetoho ya makala. Tsena di kenyeleditse Seboka sa Bobedi sa Thuto e Phahameng ka sehloho: "Yunivesithi e Phathahaneng." Ho nka karolo diketsahalang tse jwalo ho thusa ho netefatsa hore batsamaisi ba baholo ba NWU ba ikemiseditse ho fetola maemo ho phatlalla le lefapha la thuto e phahameng.

Ho phehella le ho kgontsha tekano

Re nka phetoho e tshwana le toka, setso, matshwao a tshebetso, boiketlo ba setjhaba, bokgabane le bohlokwa.

Phetoho e boetse e mabapi le ho arabela diphetoho tsa tikoloho le tsa dipolotiki, le ho ba le ditlhoko tsa setjhaba seo re se sebeletsang.

E amohetswe ke Lekgotla ka Loetse 2020, Leano la Tekano ya Mosebetsi la 2021-2023 le fana ka polelo ho Leano la Tekano ya Mosebetsi, le netefatsang hore yunivesithi e theha menyetla e lekanang bakeng sa basebetsi bohle le bao e tla bang basebetsi.

Lekgotla le entse qeto ya hore, bakeng sa ho potlakisa lebelo la phetoho, dipheo tse latelang di tla kenyelletswa ho Moralo o motjha wa Tekano ya Mosebetsi

- > Ho hirwa ha basebetsi ba batsho: 70% (bonyane)
- > Ho hirwa ha batho ba phelang le bokowa: 2%

Dipehelo di kenyeleditswe ho APP ya yunivesithi mme di fetisetswa ho ditumellano tsa tshebetso ya motho ka mong.

Ditumellano tsohle tsa tshebetso ya motho ka mong bakeng sa batsamaisi di hlophisitswe botjha ho kenyelletsa sebaka sa tshebetso ya batho ba taolo ya tshebetso ya mantlha (KPA) bakeng sa ho laola tekano ya mesebetsi, phapang le ho kgothaletsa setso sa NWU se ratwang.

Phetoho ya thuto

Sewa sa Covid-19 se ile sa tswela pele ho tsosa dikarabo tse ntjha phetohong ya ho ithuta.

Le ha re ile ra tswela pele ho itshetleha ka ho ruta le ho ithuta inthaneteng ka 2021, baithuti ba ile ba qala ho kgutlela dikampong tsa rona. Ho ithuta ka boiteanyo ho qadile hape ka mekgahlelo, ho qala ka mananeo moo boiteanyo bo neng bo le bohlokwa bakeng sa laboratori, kopano ya boitjhoriso kapa boithuto ba mosebetsi kapa ho ikamahanya le dihlhoko tsa mekgatlo ya taolo.

Qetellong ya selemo, baithuti bohle ba ne ba memetswe ho kgutlela dikampong tsa rona.

Re boetse re qadile bohlakisi ba puo le tlhahlobo ya dipatlisiso e amanang le tekolobotjha ya **Leano la Puo** la NWU. Tsamaiso ya Dipuo e fane ka tshehetso ka ho fetolela disebediswa le ho fana ka thuso ya inthanete ya ho tolaka. Ya moraorao e ile ya hlahiswa ho kopana le maemo a sewa mme re lebelletse nyehelo e tlwaelehileng ha sewa sena se ntse se kokobela.



SETATAMENTE SA PHETOHO

“NWU e dumela hore phetoho e eketsang boleng e lokela ho kenella haholo mesebetsing yohle ya rona, ho tloha phetohong ya kharikhulamo ya setso sa setheo. Ditho tsohle tsa rona di koptjwa ho ntshetsa pele sepheo sa phetoho sa yunivesithi le hob a bompodi ba matsapa a phetoho. Re itlama ho etsa diphetoho tse utwahalang tse tla bang le tshusumetso e ntle maphelong a basebetsi ba rona le baithuti.”

Tumello ya setatamente e fumanwe ho tswa ho Lekgotla la NWU ka la 23 Phupjane 2022.

Mohato o mong o motle wa phetoho ya thuto, re ile ra phethela dibaka tsa ditaba bakeng sa Lenaneo la ho lthuta le le Kgutshwane ka Sesotho.

Dintlha tsa phetoho di totobaditswe nakong ya **dibeke tse tharo tse kgolo tsa ho pharalla le thuto** tseo re ileng ra di tshwara nakong ya selemo ka ditaba tsa sehlooho setjhabeng le yunivesithing.

Beke ya Tlhokomediso ya Morabe e ile ya tshwarwa ka Mmesa 2021 mme ya hohela palo e kgolo ya bankakarolo. Beke ya Tlhokomediso ya Bong e etsahetse ka Phato, e shebile basadi le mahlale. Qetellong, Beke ya Tlhokomediso ya Puo e ile ya tshwarwa ka Loetse mme ya sebitsana le phapang ya dipuo mme ya keteka menhelo ya temengata le ya boqapi ya baithuti le basebetsi.

Tlhokomelong ya tshusumetso eo sewa sa Covid-19 se bileng le yona ho ithuteng, yunivesithi e amohetse tumello ya **tekolo ya boleng bo kahare ya tlhahlobo** (e tsejwang e le Cov-ARC). Difakalthi tsohle di nkile karolo ho mananeo a fapaneng a ba nang le dikri ya pele le baithuti ba so kang ba fumana dikri ya pele, mme basebetsi le baithuti ba ile ba mengwa.

Ho sheba pele

Leha re ntse re tswela pele ho hatela pele haholo mokgweng wa rona wa phetoho, ho na le ho hongata ho lokelang ho etswa.

Re dumela hore re ikemiseditse phepetso. Kgothatso ya rona ya mantlha ya ho tswela pele le ho potlakisa leeto la phetoho ya rona, ke hore ke ntho e nepahetseng ho e etsa le ditumellano tsa yona le boleng ba rona.

Re dula ka boitlamo ho tswela pele ka ho aha setheo sa bonngwe, ho theha moetlo wa setheo le mokgwa o ikgethang wa bophelo wa NWU o tshehetsang leano la rona mme o bua ka tlhokomelo, tekano le toka bakeng sa bohle. Ke kahoo phetoho e tla dula e le hodimo lenaneong la rona la kamoso.

MONG BERT SORGDRAGER
MODULASETULO WA LEKGOTLA

NGK BISMARK TYOBEKA
MOTLATSA MOKANSELARA

Phetoho e ntse e le sepheo sa rona se kopaneng le boikarabello boo ka bona re ikemiseditseng ho theha yunivesithi e ratang ho kenyeletswa, e keteka phapang, e tshehetsa toka ya setjhaba, mme e sebitsa ka thata ho phethahatseng sepheo sa ho theha setheo se amohelwang matjhabeng se tsejwang ka thuto e kenelletse, bokarabello ba setjhaba le tlhokomelo ya boitshwara.